


學何讀

外篇附


貞




			五	漢
		二	二	書
	一	七	七	門
四	二	〇	一	
册	架	函	號	類

庫文閣內			
五	五		漢
八	二	七	書
函	一	四	
一	二	一	
架	册	號	類

內閣文庫		
番號	漢	5271
冊數	4 (4)	
函號	298	217





小學卷之六

善行第六

此篇紀漢以來賢者所行之善行以實立教明倫敬身也

七十八

天台 陳 選 句讀



長家呂榮公名希哲字原明申國正獻公之長子

正獻公居家簡重寡默不以事物經心而申

國夫人性嚴有法度雖甚愛公然教公事事

循蹈規矩長上聲下向○正獻公名公者字

晦叔相宋封申國公簡重



厚寡省事默慎言也事物謂外事外物經猶
繁也蹈猶行也規矩喻禮度事事依循禮度
而行下文
甫十歲祁寒暑雨侍立終日不命
所言是也

之坐不敢坐也日必冠帶以見長者平居雖

甚熱在父母長者之側不得去巾襪縛袴衣

服唯謹去上聲縛音篆○甫始祁大縛縷也

之巾足之襪脛之縛袴身之衣行步出入無

得入茶肆酒肆市井里巷之語鄭衛之音未

嘗經於耳不正之書非禮之色未嘗一接

於目鄭衛一國名其音淫熊氏曰足正獻公

通判潁州歐陽公適知州事焦先生千之伯

強客文忠公所嚴毅方正正獻公招延之使

教諸子諸生小有過差先生端坐召與相對

終日竟夕不與之語諸生恐懼畏伏先生方

畧降辭色潁州郡名歐陽公名修字永叔謚

文忠焦先生名千之字伯強時寓時公方十

餘歲內則正獻公與申國夫人教訓如此之

嚴外則焦先生化導如此之篤故公德器成
就大異衆人公嘗言人生內無賢父兄外無
嚴師友而能有成者少矣行成曰德呂榮
公張夫人待制諱盈之之幼女也最鍾愛然
居常至微細事教之必有法度如飲食之類
飯羹誼更益魚肉不更進也時張公已爲待
制河北都轉運使矣盈音溫使去聲夫人
卽名也生日名死日諱鍾聚更再益增也都
轉運使亦官名張公已貴顯矣而示女子以

儉約如此非特教子者所當法亦守治者所當法也及夫人嫁呂氏夫

人之母申國夫人姊也一日來視女見舍後

有鍋釜之類大不樂謂申國夫人曰豈可使

小兒輩私作飲食壞家法耶其嚴如此鑼音

音甫樂音洛○張待制呂正唐書唐陽城爲國

子司業引諸生告之曰凡學者所以學爲忠

與孝也諸生有久不省親者乎明日謁城還

養者二十輩有三年不歸侍者斥之○唐李養去聲

氏王名大正之號城字九宗
定州人謂告也斥逐也

○安定先生胡瑗

宇翼之患隋唐以來仕進尚文辭而遺經業
苟趨祿利及為蘇湖二州教授嚴條約以身
先之雖大暑必公服終日以見諸生嚴師弟
子之禮解經至有要義惓惓為諸生言其所
以治已而後治于人者學徒千數日月刮磨
為文章皆傳經義必以理勝信其師說敦尚
行實後為太學四方歸之庠舍不能容願先

去聲惓音狠切為諸之為去聲磨音磨傳音傳
附行去聲○條教條約約束以身先之謂躬
行以率之要義即治已治人之道惓惓切到
之意治已而後治人明體適用之學也刮磨
刮垢磨光也兼文行而言傳依也必以理勝
不尚離也信尊信也安定後為國子直講四
方學者歸之故其在湖學置經義齋治事齋
庠舍不能容

經義齋者擇疏通有器局者居之治事齋者
人各治一事又兼一事如治民治兵水利築
數之類其在大學亦然疏通謂材識明達有
器局謂器局正人
其弟子散在四方隨其人賢愚皆循循雅飭

其言談舉止遇之不問可知為先生弟子其

學者相語稱先生不問可知為胡公也勅音

循循雅正謹飭之貌言動皆雅飭故遇之則知其為安定弟子學者皆尊師故稱先生則知其為

安定明道先生言於朝曰治天下以正

風俗得賢才為本朝音潮○風者上所化俗者下所習賢有德者才有

能者二者固治天下之本然得賢才斯可以正風俗則得賢才又正風俗之本也宜

先禮命近侍賢儒及百執事悉心推訪有德

業充備足為師表者其次有篤志好學材良

行修者延聘敦遣萃於京師俾朝夕相與講

明正學好行並去聲下同○悉盡也推訪推

送之以禮萃聚京大師眾也天子之都曰京師其道必本於人倫明

乎物理其教自小學灑掃應對以往修其序

悌忠信周旋禮樂其所以誘掖激勵漸摩成

就之道皆有節序其要在於擇善修身至於

化成天下自鄉人而可至於聖人之道灑掃

聲漸音尖○誘之掖之使有進激之勵之使無退漸之摩之使不苦其難皆所以成就之

正學不出乎人倫物理而已灑掃應對以至
周旋禮樂小學之教也誘掖激勸漸摩成就
之成其始也擇善修身以至化成天下大學
之教也自鄉人而至於聖人之道成其終也
其學行皆中於是者為成德取材識明達可
進於善者使日受其業擇其學明德尊者為
大學之師次以分教天下之學中、去聲
小學大學之教者以成德為師取材識之明
達者受其教及學之既成上者使教國學其
次以分教州縣之學也此二節言擇師之法擇士入學縣升之州
州賓興於大學大學聚而教之歲論其賢者

能者於朝朝音潮○縣謂縣學州謂州學比選

士之法皆以性行端潔居家孝悌有廉恥禮

讓通明學業曉達治道者選亦擇也此兩節

日明道論學制最為有本讀之未嘗不慨然發嘆也伊川先生看詳

學制大槩以為學校禮義相先之地而月使

之爭殊非教養之道請改試為課有所未至

則學官召而教之更不考定高下伊川嘗克

書同孫覺等看詳國子監條制相先猶相尚崇政殿說
月使之爭謂月有試以較其高下是使之爭

也競制尊賢堂以延天下道德之士鑄解額以去利誘省繁文以專委任勵行檢以厚風教及置待賓吏師齋立觀光法如是者亦數十條鑄于全切解居隘切去上聲行去聲○制置也延待也鑄謂刻定之解猶真也額猶數也宋元豐中以利祿誘士國學解額增至五百人來者奔湊程子蓋欲量留百人餘四百分於州郡使士人各安鄉土也省減也繁文史牘之類師儒之官不責以小文所以專委任也行檢謂行誼名檢待賓齋所以待行能可賓敬者吏師齋則通於治道可為吏之師法者居之觀光謂觀見國之盛德○藍田光輝立觀光法蓋以處來學之士也

呂氏鄉約曰凡同約者德業相勸

藍田縣各呂氏兄弟

四人大中防大約大臨鄉約與鄉人約誓也勸勉也本註德謂見善必行聞過必改能修其身能治其家能事父兄能教子弟能御僮僕能事長上能睦親故能擇交遊能守廉介能廣施惠能受寄託能救患難能導人為善能規人過失能為人謀事能為眾集事能解鬪爭能決是非能興利除害能居官舉職業謂居家則事父兄教子弟待妻妾在外則事長上接朋友教後生御僮僕至於讀書治田營家濟物如禮樂射御書數之類皆可為之非此之類過失相規規猶戒也本註犯我皆為無益過失相規之過一曰齟齬二曰行止踰違三曰行不恭遜四曰言不忠信五曰造言誣毀六曰營私太甚不修之

過五一日交非其人二日遊戲怠惰三日禮
動作無儀四日臨事不恪五日不用度不節

俗相交本註謂婚姻喪葬祭祀之節患難相恤

難去聲○本註一曰水火二曰盜賊三曰疾

病四日歿五日孤弱六日誣枉七日貧乏

有善則書于籍有過若違約者亦書之三犯

而行罰不悛者絕之悛音鎗○若及也悛改

○明道先生教人自致知至於知止誠意至

於平天下灑掃應對至於窮理盡性循循有

序灑掃並去聲○格物致知所以求知所以止

得所止灑掃應對小學之教也窮理即致知

至於知止之事盡性即誠意至於平天下之

事大學之教也循循有次序貌謂先習之於

小學而後進之於大學而大學之教又自存

其序矣病世之學者捨近而趨遠處下而闕高

所以輕自大而卒無得也闕音窺○趨奔也

此學者之大病程子教人循循有序蓋病乎

此矣吳氏曰行遠自近升高自下學之序也

自大小學之序言之灑掃應對近者下者也

窮理盡性高者遠者也以大學之序言之格

物致知誠意正心修身非近而下者

右實立教

凡八章

江革少失父獨與母居遭天下亂盜賊竝起
革負母逃難備經險阻常採拾以爲養數遇
賊或劫欲將去革輒涕泣求哀言有老母辭
氣愿款有足感動人者賊以是不忍犯之或
乃指避兵之方遂得俱全於難少難養並去
聲數音朔愿
音願○革字次翁冀臨淄人備經險阻謂偏
歷道路之艱危採拾謂採取艸木之可食者
數頻也劫欲將去謂欲登革以去也
愿款誠懇也俱全謂母子皆保全也轉客下
邳貧窮裸跣行備以供母便身之物莫不畢

給裸魯果切跣蘇典切備音庸○轉客猶飄
泊下邳今邳州裸露身跣露足行備爲履

行父娶後妻而憎包分出之包日夜號泣不
一也便身之物謂母身所便
安之物畢猶皆也給猶足也薛包好學篤

能去至被毆杖不得已廬于舍外日入而灑

掃父怒又逐之乃廬於里門晨昏不廢積歲

餘父母慚而還之後服喪過哀好行並去聲
號平聲歐音

嘔灑掃並去聲○包字孟嘗漢汝南人不能
猶不忍里門巷門也不廢謂不廢定省之禮

既而弟子求分財異居包不能止乃中分其

財奴婢引其老者曰與我共事久若不能使也田廬取其荒頓者曰吾少時所埋意所戀也器物取其朽敗者曰我素所服食身口所安也弟子數破其產輒復賑給少去聲戀龍復去聲○既謂服喪已也弟子弟及其子也中分均分也共事同事也若汝也指弟子荒謂田畝荒蕪頓謂廬舍傾頓服用也○王祥性孝蚤喪親繼母朱氏不慈數譖之由是失愛於父每使掃除牛下祥愈恭謹父母有疾衣不解帶湯藥必

親嘗母嘗欲生魚時天寒水凍祥解衣將剖冰求之冰忽自解雙鯉躍出持之而歸母又思黃雀炙復有雀數十飛入其幕復以供母鄉里驚嘆以為孝感所致有丹柰結實母命守之每風雨祥輒抱樹而泣其篤孝純至如此數音朔讚則禁切剖音厚切炙音拓幕音莫○祥字休徵晉瑯琊人親母也讚毀也失愛於父不得父之愛也牛下牛糞剖破也炙炙肉驚嘆驚異噉嘆也孝感謂魚雀之至皆存誠之感動也○王哀字偉元父儀為魏丹紅邑柰果各

安東將軍司馬昭司馬東關之敗昭問於衆曰近日之事誰任其咎儀對曰責在元帥昭怒曰司馬欲委罪於孤邪遂引出斬之哀蒲侯切

○儀哀父名魏曹氏篡國之號司馬覆姓下司馬官各言儀為魏國安東將軍司馬昭之司馬也東關地名敗謂戰敗各罪也元帥稱昭孤昭自稱也哀痛父非命於是隱居教授三徵七辟皆不就廬于墓側且夕常至墓所拜跪攀栢悲號涕淚著樹樹為之枯讀詩至哀哀父母生我劬勞未嘗不

三復流涕門人受業者並廢蓼莪之篇辟音壁號

平聲著直畧切復音福蓼音六○朝廷召曰徵郡國舉曰辟哀哀父母生我劬勞蓼莪詩辭三復謂再三反覆誦之廢蓼莪篇者恐其師哀感故舍之而不誦也家貧躬

耕計口而田度身而蠶或有密助之者哀皆

不聽及司馬氏篡魏哀終身未嘗西向而坐

以示不臣于晉度音鐸蓼初患切○密猶私也聽猶從也逆而奪取之曰

篡昭既死子炎篡魏自立為晉衣食不求豐裕而坐不面闕皆痛父非命不忍故爾○

晉西河人王延事親色養夏則扇枕席冬則

以身溫被隆冬盛寒體常無全衣而親極滋

味養去聲扇平聲○西河縣名延字延元色也滋味猶也

○柳玼曰崔山南昆弟子孫之盛

鄉族穿比山南曾祖王母長孫夫人年高無

齒祖母唐夫人事姑孝每旦櫛縱筭拜於階

下卽升堂乳其姑長孫夫人不粒食數年而

康寧乳去聲○山南名培唐博陵人為山南西道節度使故稱山南昆兒也上大也

曾祖王母卽曾祖母也姓長孫一日疾病長不粒食而康樂安寧止飲乳也

幼咸萃宣言無以報新婦恩願新婦有子有

孫皆得如新婦孝敬則崔之門安得不昌大

乎長上聲○疾甚○南齊庾黔婁為廩陵令

到縣未旬父易在家遘疾黔婁忽心驚舉身

流汗卽日棄官歸家家人悉驚其忽至廩陵令

易音異下河遘音垢○南南朝齊蕭氏僭國

之號黔婁字千貞廩陵縣名旬十日也易黔

婁父名遘遇也熊氏曰父子一體而時易疾

始一日醫云欲知差劇但嘗糞甜苦易泄利

黔婁輒取嘗之味轉甜滑心愈憂苦至夕每

稽顙北辰求以身代差楚戒切劇音極稽音起顙蘇朗切○病愈曰

差病甚曰劇醫蓋以糞甜則病甚糞苦則病愈也稽顙叩頭也北辰北極也

虞令何子平毋喪去官哀毀踰禮每哭踊頓

絕方蘇屬大明末東土饑荒繼以師旅八年

不得營葬晝夜號哭常如祖括之日冬不衣

絮夏不就清涼一日以米數合為粥不進鹽

菜所居屋敗不蔽風日兄子伯興欲為葺理

子平不肯曰我情事未申天地一罪人耳屋

何宜覆屬音竹號平聲祖音但衣上為並去聲葺音緝覆敷救切○海虞縣名子

平南朝會稽人哀毀踰禮痛傷過於禮也頓絕遽然氣絕也蘇猶醒也屬猶會也大明年

號東土即會稽軍法二千五百人為師五百人為旅營謀為也祖露髀括括髮人子初喪

之禮也葺修補也情事未申謂親未葬也蔡興宗為會稽太守甚

加矜賞為營塚壙為去聲○矜者憫其苦賞者嘉其年○朱壽

昌生七歲父守雍出其母劉氏嫁民間母子

不相知者五十年壽昌行四方求之不已飲

食_之御酒肉與人言輒流涕

淮上聲下同○壽昌字康叔宋

天長人父為雍州大守御用也

熙寧初棄官入秦與家人訣

誓不見母不復還行次同州得焉劉氏時

年七十餘矣雍守錢明逸以事聞詔壽昌還

就官繇是天下皆知其序

繇由同○熙寧年號秦即雍州之地

訣別也次猶至也明逸字子飛聞謂言之于朝法棄官不得復就以尋母故優詔許之

壽昌再為郡守至是以母故通判河中府迎

其同母弟妹以歸居數歲母卒涕泣幾喪明

拊其弟妹益篤為買田宅居之其於宗族尤

盡恩意嫁兄弟之孤女一人葬其不能葬者

十餘喪蓋其天性如此

幾平聲喪明之喪去聲拊音府下為去聲

○河中府今蒲州也近同州壽昌嘗為閬廣德二郡守至是以便於養母之故辭郡守而

為河中通判拊安慰也推愛母之心而篤於同母弟妹推愛父之心而篤於宗族兄弟蓋

至孝出於天性而然○伊川先生家治喪不用浮屠在

洛亦有一二人家化之

浮屠佛氏也洛水名在河南○霍

光出入禁闥二十餘年小心謹慎未嘗有過

為人沈靜詳審每出入下殿門進止有常處

郎僕射竊識視之不失尺寸射音夜識音志

○光字子孟漢平陽人為大將軍禁闕宮中

小門也浚沈安靜不浮躁也精詳審密不羸

率也進止一進一止也郎僕射皆官名不失

尺寸猶言一步不差耳僕主也古者重射故

有是官關中語○汲黯景帝時為太子洗馬

以嚴見憚武帝即位召為主爵都尉以數直

諫不得久居位是時太后弟武安侯田蚡為

丞相句中二千石拜謁句蚡弗為禮黯見蚡

未嘗拜句棋之洗蘇典切數音朔蚡音念相

陽人太子洗馬官名以嚴見憚以正直為景

帝所敬憚也主爵都尉亦官名以猶因也中

滯也中二千石謂九卿之官歲俸滿二千石

也蚡負貴而驕人黯獨不為之屈但棋之而

已洗之言先也太上方招文學儒者上曰吾

欲云云黯對曰陛下內多欲而外施仁義柰

何欲效唐虞之治乎上怒變色而罷朝公卿

皆為黯懼上退謂人曰甚矣汲黯之戇也治

皆去聲朝音潮下同戇音撞○上謂武帝云

云猶言如此如此蓋言效唐虞之治也心多

欲如好征伐好神仙之類唐虞唐堯虞舜也
蕙愚也帝不罪黜而容之君人之度德矣

羣臣或數黜曰天子置公卿輔弼之臣寧令

從諛承意陷主於不義乎且已在其位縱愛

身奈辱朝廷何數上尊也數責也輔弼輔德

諛以奉承上意也既也黜多病病且滿三月上常賜告

者數終不瘳最後嚴助為請告上曰汝黜何

如人也曰使黜任職居官亡以瘳人然至其

輔少王守成雖自謂責育弗能奪也上曰然

古有社稷之臣至如汲黯近之矣

數音端瘳音愈亡音首

無為少皆去聲責音奔○漢法病滿三月當免官告休假也瘳通作愈病痊也嚴助人姓名時為侍中瘳當作愈過也孟賁夏育皆古之有力者言黜之正直若托之擁輔幼君以保守成業雖自謂有責育之勇者亦不能奪其大節也然其言也社稷臣能安社稷者

大將軍青侍中上踞廁視之丞相弘宴見上

或時不冠至如見黯不冠不見也上嘗坐武

帳黯前奏事上不冠望見黯避帷中使人可

其奏其見敬禮如此

宴見之見音現○青衛青侍中侍於禁中也踞

尊坐也。廁牀邊側弘公孫弘宴見宴開時進見也。嘗曾也。武帳帳中置兵衛者可猶是也。從其奏則。初魏遼東公翟黑子有寵於太稱制日可。武奉使并州受布于足事覺黑子謀於著作郎高允曰主上問我當以實告為當諱之允曰公惟懼寵臣有罪首實庶或見原不可重為欺罔也。中書侍郎崔鑒公孫廣曰若首實罪不可測不如姑諱之。黑子怨允曰君奈何誘人就死地入見帝不以實對帝怒殺之。

狄使重首為當之為皆去聲并音兵。一。角切。史氏紀事而原其始則曰初此則節取其事而失刪也。魏元魏太武魏帝覺發覺也。允字伯恭諱隱諱也。惟懼寵臣侍帷受寵眷之臣也。首自陳也。有罪曰原重再也。言已受賄若更隱諱是再造欺罔之罪也。崔鑒公孫質皆中書侍郎。測度姑且誘引也。帝使允授太子經及崔浩以史事被收太子謂允曰入見至尊吾自導卿脫至尊有問但依吾語。等修國書刻石以彰直筆太武怒其暴揚國惡收浩誅之將及於允故太子欲指導其生路脫儻若也。太子見帝言高允小心慎密且微賤制由崔浩。

請赦其妃帝召允問曰國書皆浩所為乎對
曰臣與浩共為之然浩所領事多總裁而
已至於著述臣多於浩帝怒曰允罪甚於浩
何以得生太子懼曰天威嚴重允小臣迷亂
失次耳臣臯問皆曰浩所為帝問允信如東
宮所言乎對曰臣罪當滅族不敢虛妄殿下
以臣侍講日久哀臣欲丐其生耳實不問臣
臣亦無此言不敢迷亂

臯音向丐音蓋○微
賤言其職之卑制著

述也多猶比也總裁謂總其大綱而裁正之
紀事曰著纂言曰述失次謂所對失其次序
臯猶其也東宮太子之宮
殿下太子之稱也乞也

帝顧謂太子曰直
哉此人情所難而允能為之臨妃不易辭信
也為臣不欺君貞也宜特除其罪以旌之遂
赦之直哉贊其直也
旌之旌其善也他日太子讓允曰吾欲
為卿脫死而卿不從何也允曰臣與崔浩實
同史事死生榮辱義無獨殊誠荷殿下再造
之慈違心苟免非臣所願也太子動容稱嘆

為荷皆去聲。○讓責也。殊異也。言當與允退
浩同之再造猶言再生動容變貌也。

謂人曰我不奉東宮指導者恐負翟黑子故

也。靜修劉氏曰高允告黑子之言忠情之直
亮而作史者遽繼之以庶或見原則所謂

首實者乃所以為僥倖之資又以不奉東宮
指導為恐負黑子則允所以為是者非以理

義之當然第以此爾此皆史臣不明義理而
於遣辭之際輕為增損使允忠亮之心不

豈直筆可乎李君行先生名潛虔州人入京

師至泗州留止其子弟請先往君行問其故

曰科場近欲先至京師貫開封戶籍取應君

行不許曰汝虔州人而貫開封戶籍欲求事

君而先欺君可乎寧遲緩數年不可行也

○君行字潛名宋人也宋之京師在
開封府貫猶係也貫籍以應舉欺君矣崔

玄暉母盧氏嘗誡玄暉曰吾見姨兒屯田郎

中辛亥馭曰兒子從宦者有人來云貧乏不

能存此是好消息若聞貧貨竟足衣馬輕肥

此惡消息吾嘗以為確論

暉音偉馭音御貫音谷○玄暉名畢
唐博陵人仕至宰相姨兒姨之子長於我者
也貧必廉故曰好消息富必貪故曰惡消息

比見親表中仕宦者將錢物上其父母父母
但知喜悅竟不問此物從何而來必是祿俸
餘資誠亦善事如其非理所得此與盜賊何
別縱無大咎獨不內愧於心玄暉遵奉教誠
以清謹見稱別必列切○此近也親同姓表
外姓非理所得如竊官物剝民
財皆足容罪也言罪
雖幸免心實有愧矣○劉器之待制初登科
與二同年謁張觀叅政三人同起身請教張
曰某自守官以來常持四字勤謹和緩中間

一後生應聲曰勤謹和既聞命矣緩之一字

某所未聞張正色作氣曰何嘗教賢緩不及

事且道世間甚事不因忙後錯了器之名安
世宋元成

人待制叅政皆官各勤以從政謹以持身和
以待人緩以處事未聞猶未喻也賢稱後生
也蓋緩非迂緩不及事之
謂乃從容不忙迫之謂耳○伊川先生曰安

定之門人往往知稽古愛民矣則於為政也

何有門人如劉彝錢藻孫覺范純仁錢公輔
是也稽古經義齋之事愛民治事齋之

事何有言○呂榮公自少官守處未嘗干人
不難也

舉薦其子舜從守官會稽人或譏其不求知者舜從對曰勤於職事其他不敢不慎乃所以求知也少去聲會音檜○官守以官漢陳孀婦年十六而嫁未有子其夫當行戌且行時屬孀婦曰我生死未可知幸有老母無他兄弟備養吾不還汝肯養吾母乎婦應曰諾戌音庶屬音竹下同養去聲下同夫果死不還婦養姑不衰慈愛愈固紡績織紝以為

家業終無嫁意

慈愛愈固紡績織紝以爲家業終無嫁意也紡以車績以指織以機紝

以居喪三年其父母哀其少無子而早寡也將取嫁之孀婦曰夫去時屬妾以供養老母妾既許諾之夫養人老母而不能卒許人以諾而不能信將何以立於世欲自殺其父母懼而不敢嫁也遂使養其姑二十八年姑八十餘以天年終盡賣其田宅財物以葬之終奉祭祀少去聲夫養之夫音扶○卒終也夫

也力存淮陽太守以聞使使者賜黃金四十斤

句復之終身無所與號曰存婦使者之使與皆去聲復音

福○淮陽即陳州復謂後漢書列女傳○漢鮑宣妻桓氏字

少君宣嘗就少君父學父奇其清苦故以女

妻之裝送資賄甚盛宣不悅謂妻曰少君生

富驕習美飾而吾實貧賤不敢當禮少妻之

去聲賄音悔○宜字子都渤海人清謂澹泊

能如此矣妻曰大人以先生修德守約故使賤

妾侍執巾櫛既奉承君惟命是從宣笑曰

能如是是吾志也妻乃悉歸侍御服飾更著

短布裳與宣共挽鹿車歸鄉里拜姑禮畢提

甕出汲修行婦道鄉邦稱之更平聲著音酌挽音挽○大人

稱其父也先生以年君子以德稱其夫也約

即清苦之謂歸謂還于父家侍御媿妻也服

飾資裝也引車日挽鹿車小車可容一鹿者○曹爽從弟文叔妻

譙郡夏侯文寧之女名令女文叔蚤死服闋

自以年少無子恐家必嫁已乃斷髮為信其

後家果欲嫁之令女聞即復以刀截兩耳居
止常依爽及爽被誅曹氏盡死令女叔父上
書與曹氏絕婚強迎令女歸譙音樵闕音缺
去聲復扶又切強上聲曹爽魏宗室從弟
同祖之弟夏侯文寧名闕終斷截誅殺也
司馬懿殺爽夷其族時文寧為梁相憐其少執義又曹
氏無遺類冀其意阻乃微使人風之令女嘆
且泣曰吾亦惟之許之是也家以為信防之
少懈令女於是竊入寢室以刀斷鼻蒙被而

臥其母呼與語不應發被視之血流滿床席
舉家驚惶往視之莫不酸鼻相一作州少風
斷音短○無遺類盡死也冀其意阻幸其阻
守義之意而改適也風謂以言動之惟思也
竊私也或謂之曰人生世間如輕塵棲弱州耳
何辛苦乃爾且夫家夷滅已盡守此欲誰為
哉令女曰聞仁者不以盛衰改節義者不以
存亡易心曹氏前盛之時尚欲保終况今衰
亡何忍棄之禽獸之行吾豈為乎誰為之為
行並去聲

○輕塵樓弱州熊氏曰輕塵易散弱州難依
適然樓泊颺即去矣非有纏固也而已日耳
如此日爾夷誅也守此謂守唐鄭義宗妻
義不仁不義禽獸之行也

盧氏略涉書史事舅姑甚得婦道嘗夜有強
盜數十持杖鼓譟踰垣而入家人悉奔竄唯
有姑自在室盧冒白刃往至姑側為賊捶擊
幾死杖音仗譟先到切竄取亂切冒音墨為
去聲捶主盡切幾平聲○涉涉水在書
史則及觀之也杖兵器也鼓譟鼓舞
呼譟也奔竄奔走竄匿也冒犯也賊去後
家人問何獨不懼盧氏曰人所以異於禽獸

者以其有仁義也鄰里有急尚相赴救况在
於姑而可委棄乎若萬一危禍豈宜獨生五
家
為鄰一十五家為里唐名列女傳
危禍謂姑獨生謂已○唐奉天寶氏二女生

長艸野幼有志操永泰中羣盜數千人剽掠
其村落二女皆有容色長者年十九幼者年
十六匿巖穴間曳出之驅迫以前臨壑谷深
數百尺其姊先曰吾寧就死義不受辱即投
崖下而處盜方驚駭其妹繼之自投折足破

面流血羣盜乃捨之而去

長上聲剽音票曳音裔○奉天縣名

永泰年號剽掠攻劫也村落村居也匿藏也曳拖也前謂前行捨之謂捨其妹京兆

尹第五琦嘉其貞烈奏之詔旌表其門閭永

蠲其家丁役

蠲音涓○京兆郡尹官第五姓琦各蠲除也

○繆彤

少孤兄弟四人皆同財業及各取妻諸婦遂

求分異又數有鬪爭之言彤深懷忿嘆乃掩

戶自縊曰繆彤汝修身謹行學聖人之法將

以齊整風俗柰何不能正其家乎弟及諸婦

聞之悉叩頭謝罪遂更為敦睦之行

繆音木

少去聲取音娶數音朔搥職瓜切行去聲更平聲○彤字豫公漢汝南人幼而無父曰孤搥打更改敦厚睦和也蘇瓊除南清河太守有百姓

乙普明兄弟爭田積年不斷各相援據乃至

百人瓊召普明兄弟諭之曰天下難得者兄

弟易求者田地假令得田地失兄弟心如何

因而下淚諸證人莫不灑泣普明兄弟叩頭

乞外更思分異十年遂還同住

斷都玩切易音與令更並

平聲。瓊字珣之北朝人南清河郡乙姓晉明名斷決也援據攀援他人為證據也論曉也如何問之以發動其良心也太守下淚而諸證人灑流昔明兄弟悔過可以見人心之天矣

王祥弟覽母朱氏遇祥無道覽年數歲見祥被楚撻輒涕泣抱持至于成童每諫其毋其毋少止凶虐朱屢以非理使祥覽與祥俱又虐使祥妻覽妻亦趨而共之宋忠之乃止屢音慮覽字玄通遇待也楚痛也成童十歲也俱謂共為之晉右僕射鄧攸永嘉末没于石勒過泗水攸以

牛馬負妻子而逃又遇賊掠其牛馬步走擔其兒及其弟子綏度不能兩全乃謂其妻曰吾弟蚤亡唯有一息理不可絕止應自棄我兒耳幸而得存我後當有子妻泣而從之乃棄其子而去之卒以無嗣射音夜度音鑽應平聲右僕射官名攸字伯道永嘉年號石勒胡人没時人義陷没息于息弟子弟之子綏其石也而哀之為之語曰天道無知使鄧伯道無兒弟子綏服攸喪三年為去聲義者義其能存姓也服喪三年如喪

也父也晉咸寧中大疫庾衮一兄俱亡次兄毗

復危殆羸氣方熾父母諸弟皆出次于外衮

獨留不去諸父兄強之乃曰衮性不畏病遂

親自扶持晝夜不眠句其間復撫柩哀臨不

輟如此十有餘旬疫勢既歇家人乃反毗病

得差衮亦無恙疫音役毗音皮復扶又切癘音利熾昌志切強上聲間音澗臨去聲輟音拙有音又差楚戒切恙音樣

咸寧年號疫癘皆瘟疾衮字叔褒毗次兄名危殆謂病甚也熾盛次舍也間空隙也臨哭輟止差愈恙病也父老咸曰

異哉此子守人所不能守行人所不能行歲

寒然後知松柏之後凋始知疫癘之不能相

深也父老鄉之高年者後凋謂後於衆木之凋楊播家世純厚

並敦義讓昆季相事有如父子椿津恭謙兄

弟且則聚於廳堂終日相對未嘗入內有一

美味不集不食廳堂間往往幃幔隔障為寢

息之所時就休偃還其談笑幔莫半切播字延慶北胡人

昆季兄弟也椿字延壽津字羅漢休亦息也偃猶臥也椿年老曾他處

醉歸津扶持還室假寢閤前承候安否寢本傳作

寐○假寢不脫衣冠椿津年過六十並登台

而寢也閤謂室之門鼎而津常且莫參問子姪羅列階下椿不命

坐津不敢坐莫音暮○公鼎三公之稱如星

司徒津為司空故曰並登台鼎椿每近出或日斜不至津不

先飯椿還然後其食食則津親授匙箸味皆

先嘗椿命食然後食津為肆州椿在京宅每

有四時嘉味輒因使次附之若或未寄不先

入口一家之內男女百口總服同爨庭無間

言飯上聲匙音時箸音仕爨取爨切使間並

去聲○京宅宅在京也嘉味美味也未寄于兄則不先食總麻之服同炊隋吏部尚

書牛弘弟弼好酒而酣嘗醉射殺弘駕車牛

弘還宅其妻迎謂弘曰叔射殺牛弘聞無所

恠問直答曰作脯坐定其妻又曰叔射殺牛

大是異事弘曰已知顏色自若讀書不輟好

輟許御切脯音府輟音拙弘字里仁安定人第各彌酣酒狂也直猶但也輟止也

唐英公李勣貴為僕射其姊病必親為然

火煮粥火焚其鬚姊曰僕妾多矣何為自苦

如此勣曰豈為無人耶顧今姊年老勣亦老

雖欲數為姊煮粥復可得乎勣音迹射音夜

去聲勣字懋功封英公司馬溫公與其

兄伯康友愛尤篤伯康年將八十公奉之如

嚴父保之如嬰兒每食少頃則問曰得無饑

乎天少冷則拊其背曰衣得無薄乎拊音府

名且吳氏曰奉之如嚴父敬之至也保之如

嬰兒愛之至也老人腸胃弱易飽易饑氣體

虛易寒易熱故公近世故家惟晁氏因以

道申成子弟皆有法度羣居相呼外姓尊長

必曰某姓第幾叔若兄諸姑尊姑之夫必曰

某姓姑夫某姓尊姑夫未嘗敢呼字也其言

父黨交游必曰某姓幾丈亦未嘗敢呼字也

當時故家舊族皆不能若是晁音潮長上聲

獨也以道名說之澶淵人若及也尊者曰某

姓第幾叔長者曰某姓第幾兄姑父之姊妹

也尊姑稱之姊妹也父黨交游父之友也
稱姓稱行稱位而不以字皆謙厚之道

包序肅公尹京時民有自言以白金百兩寄

我者死矣予其子不肯受願召其子予之尹

召其子辭曰父未嘗以白金委人也兩人

相讓久之予音與○公名極字希仁序肅謚也宋廬州人尹京時為京尹之時

呂榮公聞之曰世人喜言無好人三字者可

謂自賊者矣古人言人皆可以為堯舜蓋觀

於此而知之賊害也占人謂孟子人無有不善故皆可以為堯舜蓋疑辭此

指讓金而言猶萬石君石奮歸老于家過

宮門闕必下車趨見路馬必軾馬子孫為小

吏來歸謁萬石君必朝服見之不名子孫有

過失不謂讓為便坐對案不食然後諸子相

責因長老肉袒固讓罪改之乃許朝音潮諄在笑切下

為去聲長上聲下同祖音但下同○漢石奮與四子皆官至二千石故號萬石君歸老老而歸也路馬說見稽古誦讓謂以言責之坐於便室設食於案對之而不食自責也長老族之高年者肉袒祖袒衣露肉也固再三也許謂許其改過而已復坐復食也子孫

勝冠者在側雖燕必冠申申如也僮僕訢訢

如也唯謹勝音升訢音銀○勝冠謂年及冠者燕謂燕居申申和順也訢訢和

悅也和則易肆故加謹上時賜食於家必稽首俯伏而

食如在上前其執喪哀戚甚于孫遵教亦如

之稽音啟○稽首即叩首稽首俯伏而後起食敬也萬石君家以孝

謹聞乎郡國雖齊魯諸儒質行皆自以為不

及也行去聲○齊魯二國名長子建為郎中

令少子慶為內史少去聲○郎中令內史皆官名建老白首

萬石君尚無恙每五日洗沐歸謁親入子舍

竊問侍者取親中帟廁身自浣滌復與侍

者不敢令萬石君知之以為常恙音樣帟音

音緩滌音狄○恙病也漢法在官五日則休假一日以洗身沐音于舍小房親謂萬石君

中帟中衣廁廁穢器不使親知者其為子職而又欲親心安也內史慶醉歸

入外門不下車萬石君聞之不食慶恐肉袒

謝罪不許舉宗及兄建肉袒萬石君讓曰內

史貴人入閭里里中長老皆走匿而內史坐

車中自如固當乃謝罷慶慶及諸子入里門

趨至家外門巷門舉宗猶言闔族讓責也固當者反辭以責之也謝罷慶者許不

過慶而復食也里門即巷門言自是以疏

廣為太子太傅上疏乞骸骨加賜黃金四十

斤太子贈五十斤歸鄉里日令家供具設酒

食請族人故舊賓客相與娛樂數問其家金

餘尚有幾斤趣賣以共具疏音疎骸音諧令平聲樂音洛下同

數音朔趣音促共音供下同廣字仲翁漢蘭陵人太傅官各上疏乞骸骨猶今之告老

也娛歡也趣與促同共與供同居歲餘廣子

孫竊謂其比弟老人廣所信愛者曰子孫莫

及君時頗立產業基址今日飲食費且盡宜

從丈人所勸說君置田宅老人即以閒暇時

為廣言此計說音稅為去聲○冀欲也君指廣丈人即廣所愛信之高年兄

也設誘也廣曰吾豈老悖不念子孫哉顧自

有舊田廬令子孫勤力其中足以共衣食與

凡人齊今復增益之以為贏餘但教子孫怠

惰耳

惰音佩令平聲復扶又切○老悖年老而乘悖也龜亦餘也衣食有餘則子孫倚之而

怠惰矣賢而多財則損其志愚而多財則益

其過且夫富者衆之怨也吾既無以教化子

孫不欲益其過而生怨又此金者聖王所以

惠養老臣也故樂與鄉黨宗族共享其賜以

盡吾餘且不亦可乎夫音扶共如後卷之六龐公未

嘗入城府夫妻相敬如賓劉表候之龐公釋

耕於壟上而妻子耘於前表指而問曰先生

吾居畎畝而不肯官祿後世何以遺子孫乎

龐公曰世人皆遺之以危今獨遺之以安雖

所遺不同未爲無所遺也表嘆息而去遺音位○

龐公字德公漢襄陽人劉表漢宗室侯猶訪也釋猶罷也壟田間高處也畎田間水道也

遺猶與也富貴者易危○陶淵明爲彭澤令

不以家累自隨送一力給其子書曰汝且夕

之費自給爲難今遺此力助汝薪水之勞此

亦人子也可善遇之累去聲○淵明字元亮晉潯陽人彭澤縣名家

累妻子也力僕也給北齊書與也瞻也遇待也

○崔孝芬兄弟孝義慈

厚弟孝暉等奉孝芬盡恭順之禮坐食進退

孝芬不命則不敢也鷄鳴而起且溫顏色一

錢尺帛不入私房吉凶有須聚對分給諸婦

亦相親愛有無其之暉音偉○孝芬叔

振既亡後孝芬等承奉叔母李氏若事所生

且夕溫清出入啟覲家事巨細一以咨決每

兄弟出行有獲則尺寸以上皆入李之庫四

時分賚李氏自裁之如此清七正

聲賚洛代切○孝芬之叔名振溫謂冬溫清

謂夏清故謂出必告覲謂反必面獲得也賚

與也○王凝常居慄如也子弟非公服不見閨

門之內若朝廷焉慄音栗朝音潮○凝字叔

御家以四教勤儉恭恕正家以四禮冠婚喪

祭冠去聲○御治也勤以事事儉以制用聖

人之書及公服禮器不假垣屋什物必堅朴

曰無苟費也門巷果木必方列曰無苟亂也

假借也不假阮氏日皆自足也管築垣屋造
設計物必薄堅朴素經畫門巷種植果木必
方整成列蓋其為人不苟故每事亦不苟如此
張公藝九世同居

北齊隋唐皆旌表其門麟德中高宗封泰山
幸其宅召見公藝問其所以能睦族之道公
藝請紙筆以對乃書忍字百餘以進其意以
為宗族所以不協由尊長衣食或有不均界
幼禮節或有不備更相責望遂為乖爭苟能
相與忍之則家道雍睦矣
長上聲更平聲
公藝唐東平人北

齊北朝高齊也麟德唐高宗年號封謂封土
為壇以祭也泰山山名天子所至日幸忍耐
也協和也界幼責望尊長之不均尊長責望
界幼之不備是更相責望也乖戾也雍和也

○韓文公作董生行曰淮水出桐柏山東馳
遙遙千里不能休淝水出其側不能千里百
里入淮流壽州屬縣有安豐唐貞元年時縣
人董生召南隱居行義於其中刺史不能薦
天子不聞名聲爵祿不及門門外惟有吏日
來徵租更索錢
行如字淝音肥召音邵索音
色○公名愈字退之謚文唐

昌黎人董生名召南行歌類桐栢山在唐縣
泚水在合泚縣安豐縣各貞元年手號董生隱
居行義於淮泚之間時之人不能
與儔韓子爲作此詩蓋賦而興也

朝出耕夜歸讀古人書盡日不得息或山而

樵或水而漁入厨具甘旨上堂問起居父母

不慙慙妻子不浴浴吳氏曰慙慙憂愁也浴

故不憂妻子樂其慈故不怨嗟哉董生存且慈人不識唯

有天翁知生祥下瑞無休期家有狗乳出求

食鷄來哺其兒啄啄庭中拾蟲蟻哺之不食

鳴聲悲彷徨躑躅久不去以翼來覆待狗歸

乳夫聲哺音步彷徨音旁皇音皇躑音躑音逐覆敷救切○天翁猶言老夫乳生子也躑躅跳貌吳氏曰董生存慈之行獨天知之故祥瑞見於異類如此嗟哉董生

誰將與傳時之人夫妻相虐兄弟爲讎食君

之祿而今父母愁亦獨何心嗟哉董生無與

傳傳音紐令平聲○傳匹也朱子曰上句誰將與傳疑而問之之辭也下句無與傳答而決之之辭也○唐河東節度使柳公綽在公卿間

最各有家法綽尺約切○河東道各節度使官各公綽字子寬中門

東有小齋自非朝謁之日每平日輒出至小齋諸子仲郢皆束帶晨省於中門之北公綽決私事接賓客與弟公權及羣從弟再會食自且至莫不離小齋燭至則命一人子弟執經史躬讀一過訖乃講議居官治家之法或論文或聽琴至人定鐘然後歸寢諸子復昏定於中門之北凡二十餘年未嘗一日變易

朝音潮郢音穎從離施去聲莫音暮○仲郢節度之子字諭蒙公權節度之弟字誠懸

其遇饑歲則諸子皆蔬食曰咎吾兄弟侍先君爲卅州刺史以學業未成不聽食肉吾不敢忘也上食音似○曰節度言也姑姊妹姪有孤嫠者雖疎遠必爲擇婿嫁之皆用刻木粧奩續文絹爲資裝常言必待資裝豐備何如嫁不失時嫠音離爲擇之爲去聲奩音廉無父者嫠無夫者奩鏡匣也續文絹繫絹染爲文者及公綽卒仲郢一遵其法事公權如事公綽非甚病見公權未

嘗不束帶為京兆尹鹽鐵使出遇公權於通衢必下馬端笏立候公權過乃上馬公權莫歸必束帶迎候於馬首公權屢以為言仲郢終不以官達有小改莫音暮○其指節度也以上言家法之在外者公綽妻韓氏相國休之曾孫家法嚴肅儉約為摺紳家楷範歸柳氏三年無少長未嘗見其啟齒常衣絹素不用綾羅錦繡每歸觀不乘金碧輿祇乘竹堦子二青衣步履以隨常

命粉苦參黃連熊膽和為丸賜諸子每永夜

習學含之以資勤苦楷曰駭切相少衣和並去聲長上聲祇音止堦

當侯切屣首洗○相國宰相之稱休其名也摺紳摺笏垂紳也楷範猶言法式婦人謂嫁日歸啟齒笑也歸觀歸寧父母也竹堦子竹轎也二青衣二僮使也屣徐行貌資助也此言家法之在內者○江州陳氏宗族七百口每食設

廣席長幼以次坐而其食之有畜犬百餘共

一牢食一犬不至諸犬為之不食長上聲畜許六切為

去聲○陳氏名褒南唐人十世同居大知愛其類和順之所感也○溫公曰

國朝公卿能守先法久而不衰者唯故李相家子孫數世至二百餘口猶同居共爨田園邸舍所收及有官者俸祿皆聚之一庫計口日給餉婚姻喪葬所費皆有常數分命子弟掌其事其規模大抵出於翰林學士宗諤所制也朝音潮相去聲邸音底○國朝溫公自謂本朝也李相名昉字明遠滁州人爲宰相故稱李相邸舍客店也宗諤李相之子字昌武

右實明倫凡四十五章李氏曰首十章實父子之親次八章實君臣

之義次五章實夫婦之別次十章實長幼之序次一章實朋友之交後十一章通實五倫之義或問此篇似少朋友章朱子曰當時是衆編類來偶缺此耳

或問第五倫曰公有私乎對曰管人有與吾千里馬者吾雖不受每三公有所造舉心不能忘而亦終不用也吾兄子嘗病一夜十往退而安寢吾子有疾雖不省視而竟夕不眠若是者豈可謂無私乎第五姓倫名字伯魚漢京兆人爲司空以公正稱周以太師太傅太保爲三公東漢以太尉司徒司空爲三公竟終也朱子曰不薦

自是好然於心終不忘便是喫他取舉意思
不過這便是私意又曰如十起與不起便是
私這便是避嫌只是他見得這意思厚劉寬
已是大段做工夫大段會省察了

雖居倉卒未嘗疾言遽色夫人欲試寬令恚

何當朝會裝嚴已訖使侍婢奉肉羹翻汚朝

衣婢遽收之寬神色不異乃徐言曰羹爛汝

手乎其性度如此倉上聲卒蒼沒切遽音句

音潮奉音捧汚上聲○寬字文饒漢弘後漢弘傳張

湛於嚴好禮動止有則居處幽室必自修整

雖遇妻子若嚴君焉及在鄉黨詳言正色

輔以為儀表好處並去聲○湛字子存漢平

尊嚴之君長也漢以京兆尹左馮翊右扶

風為三輔其治長安城中儀表猶言法也建

武初為左馮翊告歸平陵望寺門而步主簿

進曰明府位尊德重不宜自輕湛曰禮下公

門式路馬孔子於鄉黨恂恂如也父母之國

所宜盡禮何謂輕哉馮音平翊音亦○建武

馮翊屬吏也恂厚

○楊震所舉荊州茂才王密

恂信實之貌

為昌邑令謁見懷金十斤以遺震震曰故人
 知君君不知故人何也密曰莫夜無知者震
 曰天知神知我知子知何謂無知密愧而去
 遺音位莫音暮○震字伯起漢弘農人
 嘗為荊州刺史故人震自謂君謂密
 容與等輩避雨樹下眾皆夷踞相對容獨危
 坐愈恭郭林宗行見之而奇其異遂與其言
 因請寓宿且日容殺雞為饌林宗謂為已設
 既而供其毋自以艸蔬與客同飯林宗起拜

之曰卿賢乎哉因勸令學卒以成德夷本作

據下為去聲令平聲○容字季偉漢陳留人夷踞蹲坐也危坐以尻著蹠而坐也林宗名泰大原人異謂異於眾○陶侃為廣州刺史在州無事

輒朝運百甓於齋外莫運於齋內人問其故

答曰吾方致力中原過爾優逸恐不堪事其

勵志勤力皆此類也甓音關莫音暮○侃字

尉甓磚也時中原陷沒侃欲致後為荊州刺

史侃性聰敏勤於吏職恭而近禮愛好人倫

終日歛膝危坐闕外多事千緒萬端罔有遺
 漏遠近書疏莫不手答筆翰如流未嘗壅滯
 引接疏遠門無停客奸去聲闕苦本切疏去聲○愛好人倫尚名教
 也闕外謂邦城之外晉處江左以荆楚為國之西門故曰闕外常語人口大
 禹聖人乃惜寸陰至於衆人當惜分陰豈可
 逸遊荒醉生無益於時歟無聞於後是自棄
 也語去聲○陰光陰諸叅佐或以談戲廢事者乃命
 取其酒器捕博之具悉投之於江吏將則加

鞭朴曰樛蒲者牧猪奴戲耳老莊浮華非先
 王之法言不可行也君子當正其衣冠攝其
 威儀何有亂頭養望自謂弘達耶樛音蒲樛音樛○蒲
 樛蒲捕局戲雙陸之類浮華謂老聃莊周之
 言虛而無實也攝檢束也養望通鑑作跣足
 逸遊荒僻談戲廢事蓬頭跣足皆老莊尚玄
 虛棄禮法之流弊吳氏曰養望養其虛望也
 唐裴行儉傳
 王勃楊炯盧照鄰賈賓王皆有文名謂之
 四傑裴行儉曰士之致遠先器識而後文藝
 勃等雖有文才而浮跡淺露豈享爵祿之器

耶楊子沈靜應得令長餘得令終為幸其後
 勃溺南海照鄰投頽水竇主被誅爛終盈川
 令皆如行儉之言蹀音龍長上聲令終之令去聲溺音匿○行儉字守
 約唐絳州人器器局識識見浮躁不沈靜也
 淺露不深潛也令長令尹令終善終盈川縣
 名昌黎文集孔戡於為義若嗜慾不顧前後於利與
 祿則畏避退怯如懦夫然戡音堪懦音懦○戡字君勝孔子三
 十八世孫懦柔弱也言其勇柳公綽居外
 於為義而怯於趨利祿如此

於戟門外下馬呼幕賓為丈皆許納拜未嘗
 笑語欵洽外藩謂節度使取屏蔽之義也其門得列戟故曰戟門納受也
 柳仲郢以禮律身居家無事亦端坐拱手出
 內齋未嘗不束帶三為大鎮廐無良馬衣不
 熏香公退必讀書手不釋卷廐音救仲郢嘗為山南劍南
 天平三道節度使故曰三為大鎮公退自公
 而退也釋捨也端坐拱手束帶敬也廐無良
 馬衣不熏香儉也讀書不釋卷勤也家法句在官不奏祥瑞不
 度僧道不貸賦吏法凡理藩府急於濟貧卹

孤有木阜必先期假貸廩軍食必精豐通租
必貫免館傳必增飾宴賓犒軍必華盛而交
代之際食儲帑藏必盈溢於始至境內有孤
貧衣纓家女及笄者皆為選婿出俸金為資
裝嫁之貸音泰逋奔謨切貫音世傳朱戀切
獨口到切帑音倘藏上為並去聲溢
音逸○在官以下皆柳氏之家法貸寬也假
貸請以錢穀俗之廩倉廩軍食軍餉逋欠也
貫除也館客舍傳馬驛犒勞也儲蓄也帑藏
皆庫名所以貯金帛者衣纓猶簪纓及笄年
十五者熊氏曰不奏祥瑞為誦上也吳氏曰
食儲帑藏盈溢於始至出納有籍用無所私

而致也 ○柳玘曰王相國淮方居相位掌利權

竇氏女歸請曰王工貨一釵奇巧須七十萬
錢王曰七十萬錢我一月俸金耳豈於女惰
但一釵七十萬此妖物也必與禍相隨女子
不復敢言相國相位之相去聲於女之女音
汝復扶又切○王淮唐宰相掌利
權謂其兼度支塩鐵權茶等使也竇氏女淮
之嫁竇氏者歸謂歸寧熊氏曰淮實勦蓋托
離拒之然妖物必與禍隨則各言也蓋
妖巧之物人所貪競固有招禍之道也數月
女自婚姻會歸告王曰前時釵為馮外郎妻

首飾矣乃馮球也王嘆曰馮為郎吏妻之首飾有七十萬錢其可久乎球音求○婚姻會因婚姻而燕會也馮為賈相餽門人最密賈有蒼頭頗張威福馮召而勗之未浹旬馮晨謁賈有二青衣捧地黃酒出飲之食頃而終賈為出涕竟不知其由餽音速勗音旭浹音接飲為並去聲○賈餽亦宰相密親密也奴僕以蒼為巾故曰蒼頭勗勉也浹周也十日為旬一青衣一僮使也地黃藥名無毒蓋他酒謔稱耳食頃一飯之頃也球以奴張威福恐為王累故戒之奴恐球告王故毒殺之又明年

王賈皆遭禍遭音垢○遭遇也涯餽皆為宦者仇士良所殺噫王以玳瑁奇貨為物之妖信知言矣徒知物之妖而不知恩權隆赫之妖甚於物耶馮以卑位貪寶貨已不能正其家盡忠所事而不能保其身斯亦不足言矣賈之滅獲害門客于牆廡之間而不知欲終始富貴其可得乎廡音武○恩權之隆赫禍機所伏也故謂之妖知言本謂知言之是非此則謂知理之言也盡忠所事謂盡心於餽也奴曰藏婢曰獲指蒼頭門客指馮球廡堂下周屋也此雖一

事作戒數端

熊氏曰玠玩奇貨不可貪一戒也恩權隆赫不可恃二戒也溺

愛而不能正家三戒也失言而不能保身四戒也嬖臧獲張威福害門客而不知五戒也

王文正公發解南省廷試皆為首冠或戲

之曰狀元試三場一生喫著不盡公正色曰

曾平生之志不在溫飽

解冠並去聲著音酌公名曾字季先宋

青州人仕至宰相謚文正狀元指公試三場言鄉試省試廷試皆第一也志不在溫飽則

在安天范文正公少有大節其於富貴貧

賤毀譽歡戚不一動其心而慨然有志於天

下嘗自誦曰士當先天下之憂而憂後天下

之樂而樂也

少去聲譽音余樂音洛不一

毀之不怒譽之不喜得而不歡失而不戚也天下未憂而先憂天下已樂而後樂仁人之

心如其事上遇人一以自信不擇利害為趨

捨其有所為必盡其方曰為之自我者當如

是其成與否不在我者雖聖賢不能必吾

豈苟哉

自信守其正也如是盡其方也事上待人一以自信而不趨利不避害有

所為必盡其方而成敗不苟焉

司馬溫公

嘗言吾無過人者但平生所為未嘗有不可

對人言者耳誠而○管寧嘗坐一木榻積五

十餘年未嘗箕股其榻上當膝處皆穿股音

寧字幼安漢高士古人人危坐如申公傳○呂正獻公

自少講學即以治心養性為本寡嗜慾薄滋

味無疾言遽色無窘步無惰容凡嬉笑俚近

之語未嘗出諸口於世利紛華聲伎遊宴以

至於博奕奇玩淡然無所好少去聲窘巨隕

忌好去聲○治心收其放心也養性養其德

性也自寡嗜慾以下皆治心以養性之事若

迫促也俚鄙俗○明道先生終日端坐如泥

也伎巧戲也○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

○明道先生終日端坐如泥

實其心而不自欺也。劉公初甚易之，及退而自矜，枯曰

之所行與凡所言自相掣肘，矛盾者多矣。力

行七年而後成，自此言行一致，表裏相應，遇

事坦然，常有餘裕。易音異，矜音隱，掣昌列切，肘音肱，矛音謀，盾汝允切。

言行之行去聲。易之以不妄語為易也。椽曲者，下隙正上方者，曰栝，皆制木之器也。自相掣肘，矛盾，喻言行相違也。吳氏曰：掣，挽也。肘，臂節也。掣肘，謂肘欲運動而人挽之，不能通也。矛有鈎之兵盾，即今傍牌也。矛盾，謂不欲傷人而盾蔽之，不能傷也。

見賓客談論踰時，體無欹側，肩背竦直，身不

少動，至手足亦不移。欹音欺，竦音聳。徐積

仲車初從安定胡先生學，潛心力行，不復仕

進其學，以至誠為本事。毋至存自言，初見安

定先生，退頭容少偏，安定忽厲聲云：頭容直

某，因自思不獨頭容直，心亦要直也。自此不

敢有邪心，卒謹節存先生。仲車父早卒，盡存於毋。朱子曰：這樣

人都是資質美，所以一撥便轉終身不為惡也。文中子之服儉以

絜，無長物，馬綺羅錦繡不入于室，曰君子非

黃白不御婦人則有青碧

潔同長音丈○

不垢汚長刺也無長物謂儉潔之外無所增飾也黃白麻絲自然之色青碧染造使然之色

○柳玘曰高侍郎兄弟三人俱居清列非

速客不二羹哉夕食齧葡萄匏而已

音核匏音

庖○高氏兄弟唐人長錢翰林學士次銖給事中次錯禮部侍郎速召也不一一不兼設也羹肉羹哉肉齧齧猶

○李文靖公治居第於

封丘門外廳事前僅容旋馬或言其太隘公

笑曰居第當傳子孫此為宰輔廳事誠隘為

大祝奉禮廳事則已寬矣

公名沈字太初位

州人第第宅封丘宋都門各廳所以治事故日廳事旋回轉也隘窄狹也大祝奉禮皆世

已太也○張文節公為相自奉如河陽掌書

記時所親或規之曰今公受俸不少而自奉

若此雖自信清約外人頗有公孫布被之譏

公宜少從眾公嘆曰吾今日之俸雖舉家錦

衣玉食何患不能顧人之常情由儉入奢易

由奢入儉難吾今日之俸豈能常有身豈能

常存一旦異於今日家人習奢已久不能頓
儉必至失所豈若吾居位去位身存身亡如
一日乎相去聲易音異○公名知白字用晦
宋滄州人初爲河陽掌書記後爲宰
相謚文節漢丞相公孫弘爲布被汲黯曰弘
俸祿多而爲布被此詐也或人見文節之儉
約亦疑其詐故引○溫公曰先公爲郡牧判
是以譏之頓遽也

會數而禮勤物薄而情厚蕤音慈數音朔○
溫公父名池字和

中行猶近日士大夫家酒非內法果非遠方

珍異食非多品器皿非滿案不敢會賓友常

數日營聚然後敢發書苟或不然人爭非之

以爲鄙吝故不隨俗奢靡者鮮矣案亦作按
○內法謂

宮內造酒之法營辦也嗟乎風俗頹弊如是


居位者雖不能禁忍助之乎居位謂居相位
時公已作相矣

○溫公曰吾家本寒族世以清白相承吾性

不喜華靡自爲乳兒時長者加以金銀華美
之服輒羞赧棄去之年二十忝科名聞喜宴
獨不戴花同輩曰君賜不可違也乃簪一花
平生衣取蔽寒食取克腹亦不敢服垢弊以
矯俗于名但順吾性而已○忝叨也聞喜進
上宴名垢汚弊○民師友雜志
壞矯拂于求也
○汪信民嘗言人常咬得菜
根則百事可做胡康侯聞之擊節嘆賞信民
宋臨川人康侯文定公字也人能甘澹泊而
不以外物動心則可以有爲矣擊節一說擊

手指節一說擊器物爲節皆通嘆嗟嘆賞稱
賞宋子曰學者須常以志士不志在溝壑爲
念則道義重而計較必生之心輕矣况衣食
外物至微末事不得未必便死亦何用犯義
犯分役心役志營營以求之耶某觀今人因
不能咬菜根而至於失其本心者衆矣可不
哉戒

右實敬身凡二十八章李氏曰首十四
儀之則次一章實衣服之
制末六章實飲食之節



小學卷之六 終

慶應乙丑

享保十九甲寅三月吉日求板

浪速 文海堂松村九兵衛

